

1.500



Illustribus ac Magnificis Dominis

DE ZYROW

DANIŁOWICIIS IOAN-

NI NICOLAO DANIFERO

Regni, Capiteo Chełmński: Petro,

Capiteo Parczewiensi: Stanisłao, Capi-

taneo Czerwonogrodęsi, &c. &c.

Collegium Lublinense Socie-

tatis IESV Perennem Fe-

licitatem.

Legue



Virtuti Heroicæ Paren-
tis vestri Illustrissimi,
literariū defigimus co-
lolum, Illustres & Magnifici Do-
mini, & Sapientiā beneficij me-
morem, ad triumphale bustum,

cineresq; laureatos, euocamus.
Hic illa post fata, lemniscos de-
ponit gloriosos, quādo excellen-
tis prudentiæ, integerrimi can-
doris, Nestorem Sarmaticum,
ad Religionis, Patriæ, Regis,
Ciuium cōmoda, diuina quadā
prouidentia natum, supra morta-
litate euehit, augustoq; in Pry-
taneo Gloriæ collocatum, omni-
bus proponit spectabilem. To-
tum ergo quidquid celebritatis,
inter sepulchrales faces, pullata-
que peripetasmata elucescit, Sa-
pientiæ opus agnoscite. Nam v-

bi

bi Eloquētia vibrare cœperat di-
ligentem facundiam, grauiſſimo
pondere rerum succubuit; minus
pares lacertos adferens ad Pa-
negyrim, tanto Heroi, cuius exi-
miæ animi altitudini, res Patriæ,
& publica, etiam communi tem-
porum in turbine incubuit. Phi-
losophus Anthistenes cūm virum
bonum & prudentem, hoc est,
DANILOVICIO similem, exprime-
ret, *Δυσβάστακτον εἶναι ἀστῆρον*, Sarcinam o-
mnino grauem, & pondus esse
maximum asseruit. Talis fuerat
Illustrissimus Parens vester, qui
grauis-

grauissimè rebus omnibus Patriæ
incumberet, illasq; authoritatis
suæ pondere, mirū quantum pre-
meret, vt prorsus mole gestorū
depressa Oratio, parem Demo-
stheni, ipsiq; Suadæ Romanæ,
quærat Oratorem, qui editis-
sima sua Eloquentiæ statura, &
Heroicis viribus, in Panegyri,
multorum dispendio, sumptuo-
sius triumpharet. Et quidem O-
rationem nobis ereptam gaude-
remus, sed non animum, tantis
dulcissimi Parentis vestri meri-
tis obligatum: Imò quia tenemus

ani-

animum, etiam nos habere Gra-
tiã vernantem, & fœcundam E-
loquentia fatebimur. Vincat
ergo animus cum tanta, & tam
exaggerata materia beneficiorū
colluctatus, & Illustrissimo Pa-
renti vestro, non vt Claudio Im-
peratori Roma, Clypeum aureū
appēdat; sed immortales etiã co-
lossos excitet, magnumq; amorē
Magni Thesaurarij, erga Socie-
tatem IESV vniuersam, Collegi-
um nostrum Lublinense, Tem-
plumq; augustum, Summā libe-
ralitate auctum, ornatum, ad fa-
stigium

fastigium munificentia singulari euectum, magnis ubiq; consignet elogijs. Vobis verò Illustres & Magnifici Domini, clarissima tanti Patris lumina, se se committit Sapientiæ hic & immortalis Gloriæ apparatus. Vos prensat, in sinu Vestro conquiescit. Cernit videlicet, posthumam virtutem reuirefcere, & in maxima sobole, indolem **DANILOVICIAM**, ad amplissimos honores, & excellēs vitæ singularis fastigium, in Parente Illustrissimo ad miraculum priscae ætatis elaboratum, adspi-

adspirare. Ea demū gloria Parentis est, non dissimiles **Æneæ** filios, aut **Catoni** prudentissimo **Catones** habuisse, qui & **Optimi** Oratores, **Optimi** Imperatores, **Optimi** postmodum forent **Senatores**. Refertis Sapiencia Parentem Illustrissimum; virtute, honoribus etiam æquabitis, ad Reipublicæ salutem, commoda Regni, Regis Serenissimi amorem nati, & educati. Proinde dum memoriam Parentis vestri Illustrissimi, fixã in pectoribus, omni Symbolo cariorem, exem-

plar DANILOVICIÆ felicitatis &
gloriæ tenetis; etiam conatum
literarium, vestris amoribus ac
facilitate foueatis. Valete Illu-
stres ac Magnifici Domini, & So-
cietatem IESV vobis addictissi-
mã, studio vestro prosequimini.

ΕΠΙΣΗΜΟΝ.

GENTILITIÆ FELICITATIS

Illustrissimi Domini,

D. NICOLAI DANILO-
WICZ SUPREMI REGNI

THESAURARI, &c. &c.

Honos deinde stemmati accedit nouus,

Si Mors sequatur incluta. *PRVDENTIAS.*

TUrbatrix orbis, verboso euanida fote
Fama, sepulchrales jaçtabat Lechide tadas,
Vana aliàs, & saepe leues de more susurros
Edere gnara, sed hoc presente doloris in actu,
Non inuertendo signauit fata fritillo.
Ergone Νικόλεως aeterno lumina somno
Clusit, & Euigenum fluidis concessit ab oris?
O sublime genus, magno stirps creta parente
'DANILOWICZ, Genitorne putandus abijisse
Viuorum ex albo? Non albo digna Cylindro

B 2

Furua

Furva dies, funesta dies, qua texit in uno
Tot bona Sarcophago, quot erat celeberrimus He-
O luna, insignis quantam spoliata nitore (ros.
Ecclipsam pateris! Fubar ò ubi, posthuma Lechi
Stirps, quod suspexit! pulchra recreata nitore.
An perjit! perijsse nego. Sancita Tonantis
Debita natura pendit, mutire Tonantem
Prasumat cōtra quisquā! Qui fingere Phœbem
Quiuit, & auricomis iussit rutilare coluris,
Hinc erat illicitum pullis obnubere velis
Auricomam Luna faciem? ne cicladis aurēā
Mutaret radios? decessit Cynthia terris,
Sed meliore Polo posita est bipatentis Olympi,
Ut sperare operum mandat farrago bonorum
Sed tibi Achemenium quò telum cornua findit,
Cœligenis mistum panchris! An Martis in armis
Primænum traxisse decus, triuisse iuventam
Et Cataphractorum ductasse in prælia turmas
Testatur, peltaq; imbres hausisse Getarum
Sarmaticam Herois suspexit Turcica lunam
Luna, pererrato patria cum redderet orbe
Legatus Dominatoris mandata Poloni.
O quam tum rutilos pandebat Luna nitores!

O quam

O quam lunato fuerat spectabilis hosti!
Seu comites, sociosq; via, celsosq; virorū
Lustrares cumulos, seu (si quid credis) isto
Tempore, quod sparsim minurizat fama, penates
Miratrix inter patrios) Orantis honores.
O Luna agnato quantum es viduata colore!
Decolor (ach utinam superasses, lustra senectæ.
Mygdonia) niueumq; caput fugiline tectæ,
Æterno cursum fixisti lassa tenore.
Dum, te Latois, propria ditione voluntas
Cœlica dimouit, dum pullo tegmine amicis
Chrysocomum caput, interea Generosa propago
Defuncti, dat fulgorem. Splendescite Nati,
Inq; vicem Patris, virtus vos emula ducat.
Sic stelle, in Lunam (dictu mirabile) cedent,
Atq; regyrabit fulgores luna perennes. (nis,
Perge chelys, synpsalma volo; iubet alta Prytan-
Quam nec Ethechtas olim tornasset Athenis
Archo, nec cultusq; Solon, fortisq; Lycurgus.
Cuius at hoc psephisma volat? subscribere Olym-
Collibet, & faustā lunam statione repostam (po
Fidere, post iusti spatiosa volumina cursus.
Luna Tonantisono Prytanei ornata decore,

Immor-

*Immortale tuum rutillet super aethera lumen,
Nec ferruginea globus obfuschetur ab umbra;
Aeterna se se quin cornua luce serenent.*

Istud Heroi Amplissimo
Gentilitia spondebant Symbola:
vt cum excellenti virtute semper cōpositus
meliore æuo potitus
Sanctissimam coelo figeret
stationem

Illustre DANIZOWICIVM iubar, posteritati
eiaculans.



ELO-

ELOGIVM VIRTUTIS

Illustrissimi D.

THESAVRARIII AD PRYTANEVM GLORIÆ PROPERANTIS.



Antiquissimè fanciuit antiquitas,
vt Heroas ad omnem virtutis &
sapientiæ regulam compositos,
Rerum publicarum propugna-
cula, Regnorum Nomophila-
ces, communisq; salutis effectores, vbi de sta-
tione vitæ mortalis decessissent, Apotheosi ho-
norata decorarent, & in tabulas melioris æui,
proscriptos vitâ fragili & caduca, contenti-
onis generosæ meritò deponerent. Id nimi-
rum pendebant pensum, honorum & gloriæ
titulis vndiq; vitæ exaggeratæ; quæ sola ex-
celso & natiuo suo splendore, cum futiles &
vmbrailes lemniscos popularis plausus tran-

scen-

scenderet, maleuolorum etiam inuidiam & liuores excederet; à lachrymis & funebri pōpa vindicata, inter tot funalium atra lumina, pullatosq; fatorum apparatus, veluti lucidissima pharus, absq; tot ominosis facibus, quæ suo in oculos incurfu, animum, à studio laudum ad officia lachrymarum auocant, viam faceret, ad immortale Capitolium felicitatis properandi. Equidem nullum aut honorificentius memoriæ munus, aut verius gratæ voluntatis officium, virtutem contendam exigere. Benè suum cuiq; decus rependit posteritas; quando ad fastigiū excellentis honoris, virtutē callosam è puluerulēto excitat curriculo, vt defixa in stellato immortalitatis cœlo, imprimat aliorū mentibus sui amorē, excitet admirationē, prædicationē, pariat imò ipsam æmulationē in pectoribus eorū propaget, quos æternæ gloriæ, amplissima & suauissima innutrire solet voluptate. Debeatur id fortunatæ virtuti Illustrissimi DANIZOWICII, vt fatorum inclemētia asperatus, Gloriæ amplissimos fructus decerperet. Ille Reipublicæ Sar-

æ Sarmaticæ commūne præsidium, æui sui mensura rectissima, amplissimæ DANIZOWICIORVM familiæ decus eximium, ipsius famæ felicissimus alumnus, suarum de cœlo laudum censor, Africani, Pauliq; Scipionis innocentia, & pietate superior, non modo felice exitu vt consummatissimam virtutem suam prædicaret; verum etiam ad pares contentiones, & felicitatem complectendam, hortator Sarmatico generi existeret. Hæc sunt germanæ gloriæ à solida virtute per propagines deducta commodorū argumenta; quibus non tantum Laconum generositas, in solitaria palæstra efflorescit, verum & Sarmatica indoles, ad omnem rectitudinis & probitatis adspirat excellentiam, Pietatis, Religionis, Fortitudinis, publicæ Charitatis, innutrita amoribus.

Religio primum integerrimum adhuc adolescentem in magno nobilitatis circo, ab ipso literario ludo seria meditātem, suis sibi deuinxerat complexibus. Hæc incitamenta priscae virtutis, & memoriam maiorum in Catholica fide, gloriam virtutis augustæ reponentiū,

proposuit, quàm pertinaci animo, cum ætas illa suscepisset, ad maturioris æui etiam transmiserat contentiones, vt quoties occasio nasceretur, vir Illustrissimus, pulcherrimis Fidei & in Ecclesiam Matrem obseruantia institutis, aliorum animos, ad purioris Prudentia consilia Politica excipienda Christianissimè præpararet, mentes peruersarum sectarum vi, machinisq; tentatas, in auita & incorrupta maiorum fide stabiliret, summum Deum supremo rerum omnium loco haberet, sanctitatem à se, Senatorum, omniumq; animis insculpendam, non nisi à propriae mentis typis virtutumq; suarum exemplaribus, exprimere consuesceret. Qualem hic & quam non vulgarem in vulgus & negotia producebat se qui ad negotium Religionis horas multas destinabat! Sciebat se benè foenerari cælo & Patriæ, vbi salutari & integerrimo religionis penso horas cæli Filias sibi demereretur & deuinciret: Affatus Deum; Deo afflatus qualis ad negotia Regni, ex altari, quàm purus ex templo, quàm integer, à religione ad consulendum Patriæ, ad

proui-

prouidendum Ciuibus redibat! pietatis & innocentia sensus in omni exercitio, negotiosus Senator, exonerans! Hæc erant rudimenta latentis virtutis, quæ in immensum propagata splendorem, erudimenta consummatae probitatis, & totam ac manifestam proposuerunt felicitatem. Illam inquam felicitatem, compendio virtutis Illustrissimo Thesaurario designatam, dum plenus meriti, animi securitate felicissimus, plenus annorum, ad immortalitatem properantem recalesceret, diuinæ charitatis ardore feruidus, æstuati animo immortalia cogitaret, se se ad Prytaneum diuinitatis colligeret, & morbi in conflictu, purioris animi retinens argumenta; dandos esse postremos hos ipsi cælo dies, cæteros cum Patriæ non sine Deo, cum ciuibus non sine cælo, cum Regi Serenissimo non sine pietate deuouisset; & purissima religione vitæ Catastrophem cõsignandam esse, vita longiore dignissimus Senator, assereret. O Religionis pertinacem Spiritum! ô labentis animæ guttas preciosas! ô cignæas voces! quibus ex-

citatus Spiritus ad immortalem perrexit stationem, & exuuias partis debilioris in funebri lectulo relinquens, illum Sacri instar Plutei & suggestus vsurpat, vnde Religionis Sacrosanctum posteritati commendet exercitium. Quamuis enim in fatali puluere, Religionis illa late resonans flamma confederit, ex hoc tamen Mortalitatibus busto, diuinum quoddam & coeleste spirat. Ne dum extincta est negotiorum Sanctissimorum memoria; occurrant diuinæ illæ Canephoræ triumphorum DANIELOWICIORVM testes & arbitra, viuis & solidis argumentis, veluti ardentibus tædis, posteritatē excitant, ad præstantiam virtutis, Illustrissimi Thesaurarij generoso passu continuandam.

Prudentiam olim cælo lapsam crediderat mortaliū Plato doctissimus dignissimum maiestatem suā domicilium quæsiuisse, nec ambiciosus in alia, quàm in fidelissima Patriæ, Principi studiosissima mente quieuisse. Pietatis in Capitolio hostilium difficultatum, victrix Heroïna triūphare semper gestiebat, vbi longam annorum seriem Heroïum, quibus honestis-

nestissimæ vitæ textura consistit, pulcherrimo suo filo productam, ad amorem Patriæ reduceret, & promptissimo animo Regem, Regnū, Rempublicam, ciues, amicos, supra vulgare modū adiuuisse, promouisse edoceret. Non vereor ne nimis audacter de te sentiam aut loquar Magne DANIELOWICZ, si palam sic edicam. Quando pietatis nexu illigatam Prudentiam ad Reipublicæ Commoda prudentissimus Ciuis reponebas, te è Sapiente tuo pectore, plurimum emulomenti recepisse, incredibilia verò gratiæ & meritorum erga patriam Vniuersam argumenta ex amplissimo lacteolo amoris tui promanasse, quæ SIGISMUNDO Serenissimo Poloniae Regi, Sapientum Iudici æquissimo, virtutum arbitro integerrimo, veluti elementa Augustæ cuiusdam mentis tuæ, heroiciq; animi esse videbantur, quibus Salus consummata patriæ crederetur, tuis consilijs, authoritate, Prudentia, difficillimis afflictæ fortunæ conquassata turbinibus sustinenda. Vidit inquam Heroïis singularem mentem Princeps sagacissimus, ratus se nactum esse virum
suis

fuis votis factum & maximis rebus, quas generosa mēte destinabat prudētissime exequēdis natum, legationibus arduis, maturam iam, virtutem, & adultam gloriæ exercere cœpit. Noster Heros fuerat Themistoclis Prudentia, Scipionis magnanimitate, Æmilij Religione, Pauli innocentia, Metellorum pietate, constantia, integritate Fabiorum Superior, Cui Othomanicas Regis è voluntate Serenissimi, adire regiones licuerat, vt ferocientem Turcā, Christianorum Regnorum opulentia saginatum, ad concordiaē fæderatæ argumenta stipulatione pacis perduceret, & Sarmaticæ Reipublicæ inhiantem teterrimam belluam, salutaribus Consiliorum & rationum momentis, à præda ad quietem, à Tyrannide ad amorem pacis, à temeritate ad fidem tuendam (si tamen in perfido Regnorum possessore depopulatore fidei locus fuerat) excitaret. Et hoc ille suscepto negotio Principis gratiam meritus, suffragatione etiam maioris Pietatis, ad excellētes altioris gradus honores adspirauit. Illos inquam honores, qui maximis fortunæ
præ-

præmijs refertissimi, Potētium amicitias, Nobilitatis gratiam, Ciuum salutem defendere solent, in patriæ theatro, & amplissimi Senatus Curia suum splendorem producentes. Praesauit ergo gloria virum amplissimum, & Castellanum Leopoliensem agnouit, tot muneribus Capitaneum prudentissimum decoratū, ad publicæ vtilitatis argumenta promouenda manu duxit. Regis Serenissimi in amoribus deposuit, cuius Prudentiam, Integritatē, Innocentiam, Pietatem Princeps consultissimus dū suspiceret, Thesauros publicos & Regios viro arduis semper negotijs nato, concredidit, vt supremus Regni Thesaurarius, quam Pietatem, Amorem, Caritatem Patriæ vniuersæ olim in vitâ candidiore, nullaq; honorum Maiestate decorata dependerat, eandē amplissimus gloriā & munere, in augusto virtutis ætatisq; curriculo, in ærumnosissimā defensione publicæ quietis, trepidationibus bellorum, discordiarū discriminibus, in afflicto Reipublicæ statu, & perturbato cum alacritate deuoueret. O animi singularem in tractādis

dis thesauris patriæ diligentiam! ò Thesaurarij excellentem Regi Serenissimo patriæq; datam fidelitatem! Nam quæ vis alia, nisi publicæ charitatis studium, DANILOVICIUM inflam-
mauit, vt non magnopere concupitis honorũ suauitatibus, neglectis quietæ vitæ emolumentis, grauiſſimam curam ad tuẽdos Patriæ, & Reipublicæ thesauros conuerteret? æmulationes fuerant domesticæ? has ille modestiã suã temperabat: æqualium ciuium vehemens habendi desiderium? at solus in oculis Principis ferebatur, in animis Optimatum habitabat: plurimorum simultates, imò intemperati oris obtrectationes & conuicia? sed quid cauto & prudenti maleuolorum criminatio-
nes officere potuerant? quæ veluti turgẽtes aquarum fluctus, constantis animi rupem vbi attigerunt, disrupti odiorum tumore, virulentam libidinem, ad interitum suorum profuderunt. Vicit grauitas temeritatem; constantia leuitatem; pietas & dexteritas Thesaurarij, multorum effrenatam impietatem, imò intractabiles animos immanis cuiusdam na-
turæ,

turæ, patriæq; perduelles, consiliorum moderata & suauiter attemperacione mitigauit, vt studiosos patriæ, Regiq; Serenissimo faciles, & obsequẽtes, efficeret. Hoc est demum fructuosissimum & certissimum omnis splendoris compendium, quo viri Illustrissimi claritudine generis, nominis amplitudine, celebritate famæ, virtutis existimatione, magnam apud ciues, summam apud Principes gratiam consequuntur. Hæc Serenissimo Regi hortamenta fuerunt, cur toties potentissimus Agamemnon suum Nestorem celebraret, cur consiliorum & secretioris arcani conscius, in cõplexu suo tenuerit. Amabat illam grauitatem cum facilitate ad voluntatem Regis compositam; illa incredibilis humanitas dignitas & elegantia grauiſſimæ disciplinæ, ille candor sine fuce veritatis, Regiam Maieſtatem hortabatur, vt toties de ornãmẽtis DANILOVICIAE familiæ cogitaret, quoties sibi fidelissimum Thesaurarium experiretur & agnosceret. At quem in belli pacisque negotijs magis studiosum didicerat? Stabunt æternitati defixa For-

itudinis DANIELOVICIAE trophæa, ad honorem & splendorem Regiæ Maiestatis, virtute bellicâ, & Martiali contentione excitata. Ne quid ad consummatam gloriæ præstantiam deesse videretur, difficillimis belli negotijs incoctum ad salutem Serenissimi Regis, attulit animum. Epaminondas Sarmaticus, non ignobilis primo miles signatum acerrimâ cōtentione DANIELOVICIVM nomen, sub fago educatâ virtutem, amorì Serenissimi Regis mancipavit. Hic illi Comes, dum in Sueciam, patrium regnū, iniquè a Patruo possessum, vindicaturus abiret, hic mucro, hic clypeus, cum hoc pugnasse, & ex pugna victorem rediisse gloriosum æstimavit. Testatum id omnibus fecerat, quando contentionem suam innutritam ardori bellico semper Patriæ carissimæ deuoverat. Vidit illa nouem ipsis annis animosum DANIELOVICIVM contra hostem ductasse exercitus. Suspexit robur verè Sarmaticum, quod Illustrissimus JOANNES ZAMOSCIUS, totius orbis amor & deliciae, Supremus belli tunc Imperator amauerat, dum contra fe-

roccm

roccm Kacigerium Chamum Tartaricum, ad Cethoram auxiliares vires, optimus ciuis, exercitui Polonico adiecerat, impetumq; hostilem, & ferratum imbrem sagittarum, fortissimus miles, non sine periculo capitis, saluis & integris suis vexillis, cuneo Tartarico distracto, cum celebritate nominis sui, represserat. Quid enumerem suppetias, contra Michaëlē Waidam Moldauiae depopulatorem allatas? In illo turbine domestici tumultus, in illâ seditiosissima totius Regni concussione, ciuium indicta causa, iniquo cōsilio distractis animis & voluntatibus, dum Serenissimi Regis humanitas, odijs ciuilibus appeteretur, ne Regiū honorem violatum ingemisceret, in mediam veluti flammam sese immisit formidolosissimi belli, à latere felicissimi Regis, vna cum ingenti manu Sarmaticorum Scipionum constitit, vi vim confœderatam exercitus contumacis compescuit, fortitudine generosus miles violentiam depulit, retardauit, superauit. Et hæc felicitati Serenissimi Regis, quæ in dies latè longèq; triumphorū magnitudine efflo-

rescit debita reponuntur ornamenta, laurea-
tam fortitudinem ciuium immortalitati cō-
mendabunt, tantis excubijs, tantis laboribus,
& Martiali contentione ad miraculum anti-
quæ virtutis elaboratam. Neq; verò Fortitu-
do ipsa, ad Aristomenis Sarmatici bustū pur-
puratas animi generosi defixisset simulachra,
nisi impeditam lauro manum DANILOVICIA
liberalitas adiuuaret, & diuite felicitatis cor-
nu in cineres Herois, omnis beatitatis copiam
effunderet. Quantus ille vigor pectoris mu-
nifici fuerat! dum ad subleuandam inopiam
plurimorum, ad incrementa cultus diuini af-
surgeret; quoties religionis amore, quoties
calamitate, vel afflictâ fortunâ Ciuium tange-
retur. Nimis operosum esset singula recen-
sere, imò quis in tantâ magnitudine, liberalē
& cœlo dignam profusionem, vnquam recen-
sere posset? Vos vos apello Sacrorum Anti-
stites & Principes, vos diuinarum rerum Sa-
cerdotes & interpretes, quantum è Danilo-
uiciâ liberalitate ad aras, ad templa splendo-
ris accessisse gloriamini. Vos ciues cum extre-

mâ for-

mâ fortis inclementia conflictati, qui amabi-
li dextera Thesaurarij à miserâ fortuna recre-
ati, ad commoda vitæ adspirastis. Vos Virgi-
nes Sacræ, sponsione pudoris & anathemate
fidei, cœlesti sponso collocatæ, clementissimū
Parentem habuistis, è cuius amplissimo com-
plexu, nunquam deficiens thesaurus in vos re-
dundaret; charitatis apertissimæ merito vo-
bis rescratus. Quid Religiosorum claustra Sa-
crasq; memorem familias, ope & munificen-
tiâ sufficientissime sustentas? Vna Societas
IESV non habet quod dicat, quod faciat pro
magnis ac tantis meritis parētis sui. Quoties
indulgentia plusquam paterna afflictam male-
uolorū criminationibus suo in gremio susce-
perat, nullum amoris, nullum pietatis officiū
omiserat, auctoritatem suam inimicorū ipsi-
us telis obiecerat, nullo vnquam tempore de
familia IESV mereri neglexerat. Quid illa
par tantis meritis reponet, quod ex soluet of-
ficium beneficijs quæ se omni librâ, omni ne-
xu obligatam obstringunt? Et quidem cæte-
ri intelligunt liberaliter munificentiam Illu-
stris-

strissimi Herois in se redundasse, Societas IESU
v. communem parentem deprædicat, totum
Illustrissimum Thesaurarium sibi vendicat, v-
na mater tot Religiosorum, communem sibi
parentem acceptum lachrymatur, cuius li-
berali dextera ædem Sacram nō, Lublini mo-
do magnifico sumptu perfectam, suppellecti-
li argentea decoratam accepit, verum in toto
amplissimo Regno Poloniæ suis necessitatibus
inopiæ benè consultum semper agnouit. Fa-
tebitur illa semper se fore DANIELOVICIÆ li-
beralitati obnoxia; quot quot vrbes incolit,
quot spiritus ducit, semper se obstrictam cre-
ditori suo concedet: nunquam memoriã me-
riti cum æternitate patietur consensescere; ac-
cepti beneficij auctoramenta præferet, in-
genuã simplicitate, impari animi ruborẽ pro-
fitebitur, augusto verò in æternitatis Pryta-
neo collocatum Illustrissimũ Thesaurarium,
votis & solemnem appreciationem prosequetur. O
beatam Magni Herois cum virtutẽ constan-
tiam! O incredibilem pietatis cum religione
nexus. Ita viro maximo gloriæ cupiditas in
quæstu

quæstu fuit. Nunquã Magnus ille animus pri-
mo in passu constitit, inflamatus immortalis
fortunæ desiderio, ætate, parceret? qui cau-
sa in Pietatis nec sanguini pepercisset, dum-
modo virtuti generosæ addictus, haberet vn-
de fidem Deo obstrictam, ad Catholicæ Reli-
gionis defensionem, & tutelam conuerteret.
Hoc patrimonium immortale filijs suis reli-
quit amantissimus Pater, amplissimam hære-
dibus sui generis hæreditatem: curam Religi-
onis synceræ, patriæ dignitatem, Regis amo-
rem, benevolentiam ciuium, exemplum men-
temq; patris. Illam illam mentem, cuiusuis
maximi operis capacem, illam generosam ve-
ræ gloriæ cupiditatem, illam animi modera-
tionem, illam demũ mentem Reipublicæ, Pa-
triæ, ciuibus afflictis, consulentem. Hæc erũt
monumenta Illustrissimi DANIELOVICII virtu-
tum insculpta argumentis. Hoc amplissimæ
gloriæ bustum, hic immortalitatis nullum fa-
tum pertimescentis apex, hæc in omnium a-
nimis & recordatione sepulchralis imago,
maxi-

maximis virtutis augustæ nominibus & tro-
phæis ad imitationē generis, ad gloriam DA-
NIELOVICIÆ famæ, ad claritatem familiæ æ-
uiternam, insignita.

SALVE IGITUR HEROS

Illustrissime

IN PRYTANEO

immortalis gloriæ per Heroi-
cas Canephoras collocate.

AMPLISSIMA tuæ mētis altitudo DANIELOVICIUM
nomen æternis cōmendabit tēporibus & Ge-
nerosam Sobolem viuis virtutū excitabit ar-
gumentis, vt clarissimis factis, insitam hero-
icæ mentis tuæ imaginem referant, famamq;
nominis sui extendant latissime.

Aurea quæ semper latis dominabitur annis.

RELI-

RELIGIONIS
THEATRUM

IN QVO

Gloria

Sagittam IESV Nomine signa-
tam Immortalitati consecrat.

OB

Illustrissimum

NICOLAVM DANILOWICZ

SVPREMV M REGNI

Thesaurarium

PIETATI

Nexu firmissimo pigneratum.



Religio nos obligatos cum reddit Deo,
ipsum nobis Deum obligat. *Fsidorus.*

E

PUBLICA RELIGIONE
CONSECRATA VIRTUS
nullâ priuatâ laudatione indiget.
Valerius Maximus

Quid follicantis fumida pneumatum,
Altrix recludis Gloria seculi?
Rancente nescio quid ore,
Rancidulum geminas ad aurem.
An norma fiet Mulciberis tibi
Agnata proles, qua solita horridis
Fuligines intoxicatas,
Promere rictibus, & Mephytim?
Non purpurissimum tale sibi legit
Heros, parentat cui lachrymabilis
Extemporales per paratus,
Musa, viri miserata Manes.
Virtus alumnorum condecorat suum,
Et cura recti, perpetuò tenax,
Formido Numinis polaris,
Religionis auita amores.

Aude

*Aude euibrato Mors fera in impetu
Jam gloriari, Religio virum
Cum succinat clarè locatum,
Indigetem Prytaneo Olympi.*

Quisquis es.

Subsequentia subitario posita paratu, anaglypha benignus vide ac peruide. Elephantum philyra producit turritum. Luna hic exoriente tripudiat: occidente eadem, tetra nubilus tetricitate, teter & ipse, sese conficit.

PROLVSIMVS.

Quid barrus? undas attrahit proboscide;
Floraq; spargit munera?
Phæben tuetur, figit obtutus suos
Luna corusco segmine.
Barritus Athram personat fremit graue:
Crescente cornu Cynthia.
Sed luminosus pareat si non globus,
Si luna malas occulat:
Acore quodam delibutus, ingemit,
Rhonchosq; ducit spumeos.

E 2

Mirare

Mirare quisquis lugubres nostras fides?

Mirare primum belluam.

Ferale carmen Cynthia occasum gemit;

Planctus meretur Cynthia.

Eheu coruscans lumen haud pridem dabat:

Nunc occupat Phæben nigror.

O qui pererras Phæbe stelliferum Polum,

Cur subtrahis Phæbe faces!

Defecta luce non potis per te unicum

Lucem amplius, capessere?

Conatus omnis, nisus, ac in hoc tuus

Alga putandus vilior.

Via est peracta. Luna circum finijt.

ἀγων στεροφῆ, clausa est strophâ.



O sors

THEATIS
PROVINCIALVM
Sors
fidei
fraga
mortalium, & lu-
brico posita
statere perso-
nata, quam se-
tatur felicitas. lo post fata reponit.

Religionis amor co-

Quis (Sciscitare

stadidrome) quiri-

tae? Lapis cui & sua

vox inest, & forma lo-

quendi, imò de lapide a-

cuminata haec, & fastigi-

ata Pyrgi Machina. Lu-

na mihi decus Illustrissimi

Domini Nicolai, Danito-

nicia prognati profapia. Hic

dum Inuictissimo Regi Polonia

Sigismundo III. ac Republica

Polonia fidum, gnauum, accura-

tum; Thesauri Regni se se exhi-

bet Archigubernum, dignissimus auo

ulteriore, contentiones virtutum subli-

mes continuare prohibetur. Luxit Polo,

ac Polonia, suisq; Aeropus lucentem non

sustulit, sed transtulit.

Luna polo rutilans, minuat vel compleat orbem:
Vertice luna meo perpetualis erit.

P I E-

PIETATIS
PROPUGNACVLVM
QVOD

Illustrissimo Heroi

NICOLAO DANILOVICIO
Sarmatia, lunato diademate cin-
cta, peltaq; lunata, Othomanicam Lu-
nam subigens, consecrauit.

REGIS SERENISSIMI AMORI.
PATRIAE OPTIMO CIVI:
REGNI TOTIVS FIDELISSIMO
THESAURARIO.



Quantum in te crescit pietas, tantum dila-
tatur dignitatis pulchritudo. *Augustinus.*

VERA

VERA REGNORVM
felicitas, est vera Nobilitas,
quam pietas Ciuum erga Princeps ex-
tollit omnibus commendatam.

PETRARCHA.

Temporibus se se gyret plorata Cupressus:
Et labra lessus permeet.

*Materies amor est epicae delecta Camena:
Sed Cypridis nauo carens.*

*Onuper, quantum Patria, testatus amorem?
Testatus altam dexteram.*

*O cui gestamen dextra Regale tenetur,
Fidemq; amoremq; affatim,
Nouerat Herois, sub foedere perpeti utrumq;:
Quod Diua virtus pauxerat.*

*Obliteret ne pia vestigia mentis arata,
Virtutis osor hosticus,
Liuor edax rerum, virosis plenus echidnis,
Obliviosus & situs?*

*Aphraeto vita fracto, rediuiua sepulchro
Virtus alumnium vindicat.*

Inter

*Inter terrigenas Apolectos quemq; fuisse
Amor probatus patria. (thra
Novit, & expertus, Prytaneo hunc inserit, &
Prytannis vsa calculo.*

*Svbdialis proritat oculos Lectoris Achilles.
Paris hunc quando occidit, pars magna ro-
boris Danaorum occidit, & in momēto, sum-
ma euerti posse, patefactum.*

*DVra Genitricem
Quis precordia nato
Exhibuisse neget,
Thetyda Achilli?
Profilit ab arcto
Arcu, tensa sagitta,
Priamida iuuenis.
Stratus Achilles,
Telo, stygis atra
Lymphas & tibi abunde
Funderere debuerat
Filia Nerēi.
Non Paridis arcus,
Sed nec ferrea teli*

Vulne-

*Vulnere tabifico
Vis nocuisset.
Hoc avidus olim
Vindicta, Paris egit,
Iliacum iuuenem
Vltus Averno;
Quando Lybitina
Suetis vsa sagittis,
E numero Procerum
Te ferūt Heros:
Horribile stirpi,
Regni grande corona,
Impete Parca suo,
Spiculum adegit.
Sic Lachesis atrox,
Nulli parcere gnara,
Ut lubet, Euigenas
Subruit orbe.
Equiparat ima
Summis, maxima & imis.
Absq; statere, stelis
Nomina mandans.*

F

En

* EN *
* viLy-
* bichina
* immutis
* unum ex
* Archontis

Herodes Pietas ca- *bis Polonia* *lestibus inserit oris.*

*summatem in
Scrobiculū Pyro
gi immisit? O
luctificum Moris
luctatum, quem He-
ros Orthodoxa semper
fidei indefessus Sectator,
non pius in superos, & Pa-
triam, sed pietas, non elu-
ctatus cōcessit è viuis! O stel-
la, Prosthesi luminis eratis de-
coranda: Syncopam estis passa,
Lachesis luminosam vitalitatem
nodo plusquam Gordio pressit, sigil-
lauit. Syderalia spiculo astra confi-
xit, quia nervo ineluctabilis fixit.
Factum est stella stellis inserta: in Clo-
tho triumphatrix Vana tripudia in tes-
sum verse, vel inssu Postuorta.*

*Axe Serenato fulget cum Castore pollux?
Culminis antefero sydera bina mei.*


FOR.

FORTITVDINIS
TROPHÆVM
DANIŁOWICIAE
VIRTVTI

Stabit Monumentum.

Mars bellator

STELLATAM HASTAM
STELLATVS IPSE
HONORI DEFIGIT
ILLVSTRISSIMI THESAURARII
ET MARTIALES
SPIRITVS ADMIRATVR.



Fortiter aduersus hostem se gerere & patri-
am armis tegere Principis salutem propugna-
re, cuius Cui honestissimū est. *Xenophon.*

F 2

Tu

TV ex quo Militiam profiteri animus fuit,
nisi de honestate artificium tuum vis, semper
animam in numero habere oportet, semper-
que aures tuas Cæsarea vox illa circumtonet.
Disce ferire, disce mori. Hæ artes deliciae tuæ
erunt, hæ gloriam & æternitatem spondent
æternam. *Petrarcha.*

ITe viros Marte Corymbi,
Danilouicias decorate tubas,
Danilouicij facta colossis
Et purpureis signate notis.
Æternatos pandite succos.
Bustum teneris cingite baccis.
Et demessi fata Herois
Eucturis cumulate Cedris.
Hector quantus crevit in armis!
Dum Lechiacum ducit agema,
Enutritas animas bello
Lectosq; Duces lectosq; viros,
Dum Sarmatiam turbat Enyo,
Fregit furias dedignantem
Dominumq; pati, Regemq; pati.

Et vi-

*Et victuris posuit Seclis
Erga Dominum lemma favoris.
Hoc auspicio Sigismunde tuo
Pegma decorum Miles habebat.
Nunquam citius Rex Magne tuum
Hostem victum meminisse potes.
Seu felices Cæsaris iras,
Seu magna velis praelia Magni,
Seu Scipiadas memorare velis
Fulmina belli.*

*Danilouicias ista sagittas
Decora ingenti pignore cingunt,
Autumnantis dona decoris,
Æternata pignora pacis,
Tranquillitati fulgura solis,
Illibati candor honoris
Danilouicij splendor amoris,
Bellatrix tessera honoris,
Micat innato Gloria radio,
Micat innato Cynthia radio,
Danilouicio nescia claudi
Pectore, rutilos fundere gliscit
Quocunq; lubet Syderis ignes.*

Aliena

Aliena non indiga laudis.
Et Prytanei defixa tholis.
Ignes Lechico fulgurat orbi.

Patriæ Regnoq; Salutem.

MEmphiticos Immortalitas deposcebat col-
lossos sed quis DANILOVICIAM virtutem mar-
more nudo immortalitati consignasset. Sy-
dera honori maximo sunt suffragata. Genti-
licium enim Parasemon Pyramidalem radijs
effecit conum, cui gloriosus Mars defixit stel-
latum gladium, ipsa patria Heroi gloriã sem-
per ambient, detulit stellatum diadema: nam

SIC DECVIT PATRIÆ PL-
GNERARE VITAM.

Hunc Mars hūc sudat Patrius vigor arte colof-
Herois famam tantus adauget apex! (sum,
Egregium Magno deuouit pectore sensum
Pro patriã. vitæ prodigus ipse suæ
Fatales hostis stellatus sustulit iras,
Et fato meruit nobiliore frui.
I nunc & Martis lauros inglorius ambi:
Stat rutilo fixum pegmate, Martis opus.

IN

LIBERALLITIS
TRIVMVS MV
triplici dicitur honore
omne
victu-
ra aut se
spitatem
stabit mo-
les fastigia-
to cultu Illu-
post fata meretur.
Fortis syderas sedes
strissimi Da-
nilouicy Mar-
te sagato nueritã
caelo feret fortitu-
dinem Enyo mastru-
cata liuores cum E-
rinni edẽcula hie infrin-
get ad Acroama gentilici-
um pallefcens stellatos ignes
verebur. Ita facũdat Mars
Gloriam, Danilouieios sibi op-
pignerans. Fortissimo ergo ciui
auspiciũ SIGISMVNDI III.
Regis florentissimi Sanctã in acie pal-
lam dedit. Gloria lauros immortalit-
ratem aduenti consecrauit.

Hæc tibi vitta datur. victuros prẽnde Corymbos,
Magne Heros, vita est, hostica lis & Epis.

LIBE-

LIBERALITATIS
TRIUMPHVS MUL-
tiplici diues fænore

ILLVSTRISSIMI

DANIŁOWICII
STELLAM

Influxu suo diuitem curru vehit

⁊

*Peniam ac egestatem munifico
complexu adstringit.*



QVO melior is fuerit qui liberalitatem tu-
am senserit, hoc tibi splendidior ab illius cu-
ra ac studio laurea texitur. *Chrysostomus.*

Nescit semel incitata liberalitas stare cuius
pulchritudinem vsus ipse commendat. *Pli-
nius Junior.*

QVID PRAEMIUM? RECTE SANE MARTIALIS

QVI DONAS

HOC ET POST CINERES ERIT TRIBVTVM

SURge vernanti redimita seruo

Fama, pernices age duc volatus.

Scinde stridentis graue murmur Euri,

Remige penna:

Sive spumanti modo visa Pruto

Detonas orbi fera bella, siue

Proteris nutu Lechico Getarum

Arma sparosq;

Sen studes paci potius togaq;

Curia vulgans cata gesta, ⁊ equis

Fascibus Magnos veniens in aunm

Viuere curas.

Amplior laudum seges en patefcit,

Arduis magni titulis honoris,

Vberis surgit potior metalli

Vena satufq;

Nescit

G

Styllat

Styllat immensas ope liberali
Copias caelo, scijt amulari
Nam Poli fluxus, didicitq; promptam
Fundere gazam.

Testis aeternis benè stabit annis
Lubluni votum penetral Tonanti,
Tecta DANILOVICIVM loquentur
Aere venusta.

Huc myriadas precioq; dites
Intulit lanas, dedit amplioris
Census annonam; grauidamq; Diuis
Lampada fixit.

Exedris semper fuit & Camanis
Ille Meccenas, Sociosque JESV
O fidem Patris! genitor medullis
Condidit imis.

Pauper arcanis bibit è fluentis,
Quisquis angustiis Penia laborat,
Viuit angustâ toties beatus
Dote Parentis.

Viuet aeternos Pater hic in annos,
Et triumphales ope liberali
Transiget soles, merito Polorum
Nectare pastus.

Omnibus semper idem.

MUnificum caelum liberalem dicet Illustris-
simum DANILOVICIVM. Picturam loqui volu-
mus quod Epigraphe deposcebat. Conchata
ergo templa conchatos inopes expressimus
quibus effusa benignitate gēmea DANILOVICII
ops munifico stellæ satu influebat vt gēma-
matum post funera DANILOVICIVM stellis da-
ret. Equidem.

Nil hac prole beatius.

GEmmatis pingunt stellata palatia Elenchis
Oceanum, rutilos marmore dantq; globos.
Stellatum vidi rutilis Heroa Pyropis
Pingentem patriis templa lycea focus.
Angusta quidquid Penia violauit orexis,
Id Patria toties candida stella dedit.
O Sacrum germen! patrijs dum germinat agris:
Qualibet ex illo germine, gemma cadit.

Omnia semper idem

*
Mār

mōra-
rium no
deposco
ipsa sibi li-
beraliter

Munificos cœlū post marmoreo variis funera dicit honore.

est ipsa mar-
mor sine runci-
na Lysippi absq̃

grosphis Dadaeleis
pietatis hīc sudavit
manus. Anaglyptis

Genius ad immortalita-
tem DANILOVICIO.

istam effigiat Pyramidem

Animatus apex templis Col-

legio Societati IESV ipsi Pe-
nia Epifema augusta exculans

honores perennes educabit, sine Cu-

presso caduca vernans gratiarum re-

pandet ver, ipsamque Pomona m-

no immortalē hic loca bīe meriti.

Mnemosynem.

Lilia casta rosæ bustum redimite, perennet

Hic laurus, Charitum semper amænet opus.

ÆTER.

ÆTERNA VOTA

Illustrissimo

NICOLAO DANILOWICIO

Prytaneum inhabitanti

per Dithyrambum.

Digna supremis resonare linguis

per aternos lyra Dithyrambos.

Carnem augustum meliore voto

Funde, cœlestes imitata cantus

Prome festivos age faustiore,

Ore susurros.

En millies beata

Cynthia, rutilos proijcit ignes.

Cynthia sacris placida exultim

Micat illecebris deposta Polo.

Et Phœbæis amula flammis,

Micat atero Cynthia radio.

Vincitque flammis,

Fulgurantes,

Suaq; purpurascit

Lampa-

Lampade terris,
Inserta virtutum nitore,
Æthereis merito post fata Pyropis?
O decus! aeterno semper spaciabere in horto
Aurea dependes fulgoris symbola, casto
DANILOWICIAM gentem cupiens animare nitore,
Lux honorum pullulabit,
Germinabit fax amorum
Lapsa cælo, digna natis, digna cinget faustitas
Famulans votis o Magne tuis.
Nunquam tragicis concussa dolis
Aurea fundet
Diuite cornu
Dona quietis,
Pegmaque sacri
Sponte senatus
Pandet, & ipsam
Vinciet astris
Lapsam Astraam.
Ito Phæbe fata luce
Ito Phæbe digna sole.
Aurea Phæbe, prouida Phæbe,
Luminosa rubentes

Proijce

Proijce flammæ,
Lux honorum pullulabit,
Germinabit fax amorum,
Aureique redibit
Indulgentia sæcli.
Benignitatis lux opimos germinans
Producet ignes,
Ignibus agglomerans carissima pignora sacris,
Et peplum varians castæ virtutis Elencho,
DANILOWICIAS faciet sobolescere stellas.
Amat ecce luna stellas!
Animatque bellicosæ
Coloribus, nitentes.
Color ipse, dat caloremque.
Animamque tot Pyropis
Assueta corda Martium spirant decus;
Patrisque lemma candidis seruant notis;
Et virtutis asyllum,
Et conclaue pudoris,
Agmen amorum.
Ito Phæbe fatâ luce,
Ito Phæbe digna sole,
Implue facundos stellis o fertilis imbres!

Atque

Atq; serenatas sine funere proijce lucas

Altior alio credita cælo,

Et meliori sede recepta,

Ex sedis alta fulgure amabili

Æmulat'ices dato liberalis

Splendoris faces,

Vibrato pulchrum sortis & inclyta

Stellis decus, stellis rosas.

Victura tuis Phæbe stellis.

Æthereo melior post fata reposta Trioni

Pompas ages, censu pia

Virtutis auctas,

Tranquillatas corripis arces,

Tranquillatas sine nocte dies,

Tui semper potita

Dines tibi superstitas.

DANILOWICIAS stellas germenq; beato

Sospitans ostro.



MANI-

MANIBVS
GLORIOSIS

ET
ÆTERNÆ MEMORIÆ

Illustrissimi D.

NICOLAI

de Zurow

DANILOWICZ

SVPREMI REGNI

THE SAVRARI, I,

Crasnostaiensi, Samboriensi, Bielscen &c.

CAPITANEI

Cuius animus generosus.

VIRTUTE HEROI-

CA INNVTITVS.

Domi exempla Religionis, Pie-

H

tatis,

tatis, Æquitatis, proposuit
Foris, argumenta Sapientis Pru-
dentia defixit.

Militiæ, Fortitudinis trophæa
excitavit.

I Integritate Invidiam.
Facilitate Odia.

Σ Modestia Temeritatem
Temperavit.

In complexu carissimæ Patriæ,
Serenissimi Regis SIGIS-

MVNDI III. in amoribus,

Ecclesiæ Catholicæ addi-
ctissimus,

Munificus Parens egētium,

Ex-

Exaggeratâ laude viri O-

ptimi

&

Senatoris Amplissimi

Cumulatissimus.

Dum viam sui imaginem, in ex-
cellenti indole Filiorum
reliquisset.

&

Illustribus monumentis nomē su-
um illustrasset,

Immortalis Gloriæ adiit
PRYTANEVM.

Anno Salutis humanæ M DC
XX IV. die XXX Maj

Vitæ

Handwritten notes in the left margin, including the name "Mrs Lane" and other illegible cursive text.

Handwritten signatures or initials at the bottom left of the page.

Vitæ suæ cursum anno æta-
tis LVI Christianè dum
consummasset.

SOCIETAS IESV

amantissimo suo Patrono

& Parenti

D. D.

Anno



Anno

Anno Salutis humanæ M DC

XXIV. die XXV Maj

Vitæ

pater noster quis in cellis